

禹州志卷二十六

志原

史志之書各有承續馬班列傳斯其例矣後之作志者於前志之無可改則宜續於前志之有可商則宜修宋元以來作者如是禹志凡經再修其援據亦有所本而不注出處是其一失今既無從盡考原書約以所知者識之其所未詳以俟來哲至於舊志諸序皆臚列其文載諸篇簡志始修在明前而當時諸序今皆不存茲若失收則後此邑之人士益無以徵涯略是故不敢廢焉耳述志原

朱裴序第一

順治八年

序云禹鑄九鼎志方物也周禮則統於職方

禹州志

卷之二十六

志原

一

氏漢班孟堅因之作地理志厥後邑自爲載郡自爲記代各有著明憲宗詔儒臣修一統志包括靡遺號稱全書下而州鄙郡縣爭爲續修以及裨官揮人亦各以輶軒所至耳目所該附柱下史恐後則志之爲物亦甚重矣禹豫州外方境大禹始封陽城隘其地而徙都之入春秋爲潁邑奏置郡爲潁川漢爲陽翟唐宋迨金改鈞州元因之明避神宗諱更之爲禹因夏禹舊都故也以先未有志其書肇自禹門趙公三聘來守茲土毅然以修志爲己任禮延郡臬徐衍祚歷數寒暑削而成帙鑄之梨棗流傳於後云有光也不期闖逆寇河南二十年土馬物故廬井頽燬不可勝紀而原板膏諸焚燼書成於萬曆九年燬於崇禎



十四年此數年間州殘慘目安上門監不能悉備幸值我

國家乘運而起定鼎北平指臂萬國建旗旄於禹貢職方之外蓋  
提封之極盛而紀載揚扃政在此時剏守茲土者則有馬公汗  
朱因物力艱難草萊初闢姑留有待繼此則東海蔡公永華有  
志修舉苦於鉛槧之無存黎獻之盡逝常爲餘憾一日者郡人  
李公噓雲太原泰軍也之雲中偶得原本於故紙肆中遂不惜  
割俸以購之猗歟休哉非天不忍湮沒斯土之一端乎其事可  
比蔡中郎識枯桐於爨下無異伏記壁藏未幾而李公以開中  
守休林蔡公敦聘者再仝南宮士趙公來鳴孝廉前公時望揚  
公士蘊暨膠士陰賓上等細心讐校不顧臘葛闕者補之繁者

禹州志

卷之二十六

志原

二

芟之兵燹流荼之時俠夫烈女頗多一採輿論參酌盡當編次  
成帙俾爲可久有綱有目晰爲四卷禪謬僅竣蔡公又晉階閩  
中去矣余山右豎儒承乏潁水履其境荆榛蔽地村落皆墟入  
其城井舂晨星垣墻如煨燼茲子遺淚流及踵但荒烟蔓草之  
中不無遐碑古祠令燼毀瓦之餘殊多破第殘坊因而自思曰  
考亭朱氏歷仕閩浙所至以修志爲先務是不可取禹舊乘以  
觀其山川人物之盛風士田賦之詳乎而李公噓雲搜笥中持  
墨本以出曰是蔡侯有志而未逮之事也余簿書之餘翻閱舊  
跡見黃寇諸君政事常記於屏以作觀省因與諸公計曰余當  
每飯節一粒米以成此書半閱載積俸金及諸紳士亦多好義



者累黍而爲之梓人迺告成功夫過市者不奇麥稷而奇珍繡入廟者不美牲醴而美禮樂豈徒以文哉亦願後之爲政者感黃寇而黽爲循良使上不負

朝廷任使下不負斯民之意而已矣故有是序

喬翔鳳序第二

康熙二十九年

序云大中丞閻公撫豫之二載檄下諸

郡邑纂脩厥乘以光盛典而禹州適值大夫劉公膺茲任大夫久懷斯志以案牘勤勞未遑修舉既承命乃召不佞暨司訓范子謀舉其事於是敦請州儒別駕劉君明經陳君開局分曹取舊志而重編之補其前缺續其後繼凡閱月而告成大夫命予序之誼不敢以不文辭余自壬戌之冬署學來禹禹豫州外方

禹州志

卷之二十六

志原

三

三河之境黃帝之故墟也當燕楚孔道爲咽喉重地西連嵩少東接陳許山川綺麗人物秀美亦一都會也其星躔爲房心其封疆爲韓鄭其境域勝蹟則爲具茨之高爲潁水之深爲拜道之宮爲享神之臺爲騶虞之所遊爲鳳凰之所集自三古以還以迄今茲英靈所鍾代不乏人巢許夙仰高蹤汝潁固多奇士若張留侯之英風若辛佐治之直節若褚太傅之器量若馬端肅之勲庸其足以符地靈而繫世重者更僕難數况夫文章詞賦世擅雕龍人國門允堪千金不易傳於載籍雅稱絕妙好辭以及風俗物產土田財賦顧瞻四境洵稱中原奧區者矣余每課士之暇散步



郊原登高遠眺與二三故老訪當年遺事輒爲憑吊者久之但自明季兵燹以來漸亦凋殘若不急爲搜羅纂集成書恐久而愈湮其不沒於荒烟蔓草者幾何矣何幸諸名宿徵遺編考典故舉遊人屐齒所不到者胥收之几案間披卷讀之瞭若指掌燦若列眉分門別類若星羅碁布之秩秩而可攷編年紀月若璧合珠聯之纍纍而不紊猗歟休哉雖比之禹貢列州之紀載周官職方之掌故何多讓焉茲將上之憲臺獻諸

朝宁以備觀風者之採擇亦微黼休明之一助也謹爲序

劉國儒序第三

康熙三十二年序云丙寅之夏余承乏禹守故潁川舊

治也秦漢以來號稱名郡著之史策班班可考然而記載之詳

禹州志

卷之二十六 志原

四

則莫備於郡志視事暇因取舊志閱之其於地形之險易風俗之奢儉民情之淑慝政治之得失約略可觀第竊念昔之葺是志者或略而不詳或詳而鮮當意者鼎革之初山賊盤踞兵燹燼餘文獻寥落無所考稽耶矧距今數十年其間故實日益散軼淪亡不可復得在今日議修纂誠難緩者儒嘗有志而未逮也值大中丞閻公撫汴之年首檄郡縣咸各修其志以備採擇夫欲採往蹟考佚事正訛舛補遺闕綜名實絕阿曲上以同光史乘下以垂信後世非博學淵洽具史斷才者修纂洵未易易儒不敏其何以肩此然竊幸向已志之克成也爰與諸儒互相參訂或取之遺編或詢之故老凡耳目之所得及傳聞之無異



辭者臆而列之視舊志稍益焉不敢誇多懼失之靡也不敢過  
約懼失之漏也不敢狗請訖懼夫之穢也書既成爲卷凡口爲  
類凡口雖志識編隘不無照略亦庶以盡管窺之小智備采錄  
之始末云爾是爲序

范崑序第四康熙三十二年序云十梁之屬其州有四居南北之衝而

當兩河之要唯禹爲最蓋商之封域鄭韓之故國其山有嵩  
岳之高其水有潁川之清其人文有張留侯馬端肅之卓越千  
古神聖龍蟠循良鳳集名勝域無逾於禹也前代藩封之地  
宗子繁衍朱邸崇樓連雲九間日暮笙歌達旦不休奢靡之習  
漸於閭里崇禎壬午歲屢寇寇殘城社灰燼鳳臺潁亭之間春  
禹州志 卷之二十八 志原 五  
燕無巢青燐遍地人民流離於他鄉者不知其歸落何有於志  
間有斷簡殘編銷燬於烽火又如汲冢朽竹岐陽石鼓烏從而  
晰厥蒼素哀厥漏成不刊之典書歟我

朝定鼎以來志書雖經纂修然草創之始不無闕畧今又多年遺  
漏倍甚及此不修恐世遠年湮老成凋謝後此雖欲從事其勢  
必難州侯三韓劉公甫下卑卽留心州志凡故藩興廢之由靡  
不逢人而諮詢境內山川以蹟斷碑殘碣靡不躬歷而心識以  
及民間忠孝節義之事有關名教者靡不卽事成帙藏於笥中  
非俾一日茲值憲檄飭修州志遂檢其所聞延請名公開局編  
纂因其舊籍加以新裁蒼大旣詳體式具備三閱月而告成洵



藝林之鴻寶國乘之正規也於以垂諸典冊立為章程當屬治平之良冊寧僅著作之嚆矢哉蓋尚書典謨訓誥諸篇皆聖人躬行實踐之言後人因其言而勉其行則帝德王功皆可著諸當世周官三百六十有一職必有一事使勤其事以盡其職則庶績咸熙百工無不舉矣故一州之務類集成書非徒資博洽蓋將以經緯萬端成理庶物使覽斯編者勵精於已治則即事可以立功綢繆於未雨則保邦可以永寧勤周官之職篤聖道之實與漢黃霸寇恂諸循良輩接踵繼美安見古今人之不相及歟今

皇

秉道致治教化日隆誠有以上追邛隆之運大振晚近之風則

禹州志

卷之二十六 志原

六

上游之整飭文教興夫州侯之承宣德化考文徵獻備成典章以為後人準繩行見嵩岳降神潁川獻瑞賢聖輩出民物康樂丕著循良之化快睹久道之成是禹也又豈特大梁之最乎哉

邵大業序第五

乾隆序云

志成於康熙三十二年距今五十

餘載中間沿革異宜名實

殊位禮樂之繁簡質文之隆殺輿地

民數之盈絀風俗人物之

衰缺畧散失錯綜淆亂循文考之

往往刺謬歲乙丑余守禹

二一年會方伯檄下郡縣修葺舊志

皇哉令典意至厚也余承

亟延紳士徵典籍謀與人咨商討

諭訪葺搜雜凡條類一從

舊而三十二年以後例得入者

附焉又聞取



國初舊本折衷求詳以正其訛謬補其殘缺闕三月而稿成尙未付梓適余奉調襄邑囑州倅程君以終其事夫家有乘國有史郡縣有志豈徒載故實備見聞而已將以彰善顯微表著人鵠使讀者油然畢然知所向慕也今禹人數十年間非有功名譽望震耀寰海而儒行文苑孝子義士貞婦烈女得數十百人可不謂盛歟蓋我

國家重熙累洽仁漸義摩山陬海澨靡不翕然向風矧吾禹又次公之遺澤也其磅礴鬱積蔚爲人倫良不足爲禹異而以表彰前烈風示後人非細故矣余不敏誠無足與此是役也其庶幾免於疏漏云爾是爲序

禹州志

卷之二十六 志原

七

邢瑚序第六乾隆十年序云自有熊氏畫井分疆以來而區宇蓋

已奠矣其開山川之扼要人物之羸誦政教習俗之淑慝醇漓亦因之而綱屬旒綴焉考古者覽其輿圖方志而封域之內君公士夫道里村落土產財賦藝文故蹟靡不昭然在目會千載於几席攢四履於指掌而景行前喆之思亦緣是而勃然以生則志之有裨於治術也詎淺鮮哉禹爲中州奧區嵩少在望潁水環焉城列上棘高陽氏之遺墟猶存陔號鈞臺夏后啟之餘風未泯入春秋而爲鄭逮戰國而爲韓秦漢郡置潁川唐宋邑界許洛金元爲鈞明季爲禹宿屬疏廟路走荆燕炎劉而下名太守則有黃霸趙廣漢寇恂郭伋潘恩劉魁若而人鄉君子則



有張子房褚季野辛佐治崔正言劉文紀馬約齋若而人後先相望史不勝書而其遺址軼事胥於志焉載之按禹志自明神宗九年一修我

朝順治八年一修康熙三十二年一修於後五十餘年渺焉莫繼前州守析津邵公來蒞茲土毅然以修輯郡志爲己任乙丑八月禮請郡中諸名流開局分纂踵前人之所已述補昔日之所未備編爲十四卷定爲十二本公於其間詳爲檢閱字裏行間手跡徧滿惜其稿本甫就未鐫梓而已去矣公去時州判程公瀚承公之命復加校閱上之彭城張公張公閱之謹緘其稿以待鐫刻未二歲而復去余以丁卯春奉憲命來攝是邦初至時

禹州志

卷之二十六

志原

八

州判程公卽以鐫志之事相啟余以時方憂旱未遑也屆四月而甘霖沛降四野懽騰州尉李子成蛟肅然謁余而言曰禹志之鐫是前州守所夙夜不忘之事也公其力竣以垂永久余念極盛之後難乎爲繼然前人闢其塗而後來者不能踵其武是亦余所大懼也况昔日順治八年之志藁掇於東海蔡公槩鐫於山右朱公余材遜朱公而所際適與相符亦安知非天假之緣而使得附驥尾以彰耶願此事非衆力莫能爲因囑州判程公洎州尉李子質之學正李君杰司訓左君絜矩擇日延請局中鄉先生孝廉孫君廣生王君聿修明經張君宿源庠彥周生棟余生丙捷周生偃劉生世篆等取舊本參互考訂繕寫成帙



余與諸僚友悉心較讐割俸鳩工一時郡中嚮義之士亦各踴躍任事共勦厥舉而余遂得藉手告成以終前州守欲完未完之志今而後惟願士勵於學農安於野孝弟力田有行義民日盜眾多余亦時疏諸明公政治壁間朝夕披覽以當葦莖之佩則雖未能追配前人而取彼方躡作我指南亦庶幾窺豹一文觀鳳一羽用以少酬我

皇上

付託斯民之意於萬一是則前州守之所嘉望而亦余與二三君子之所宜交勉也夫是爲序

李杰序第七

乾隆二年

序云析津

邵公守禹之明年奉憲檄纂修

州志稿既成未槧刻而公以巨材移治睢陽越二年瀛海邢公

禹州志

卷之二十六

心原

九

來攝州事始付剗闕氏余與二司訓左君始終襄理之而別駕程君州尉李君暨諸君子與有力焉幸斯役之迄有成功足以光盛典也因弁數語以爲之叙六郡邑之有志義近於史而亦有與史異蓋史之是是非非美惡具而善惡備志則於人之功德材行節義之美者恐無以信今而傳後也因以記之苟其人之惡則志於何有是志與史固不能無異也至其爲文事取其核名取其稱可以使死者無憾生者相安善者喜於見傳則益有所勉惡者無有所錄則因以滋愧激厲警勸之道與史實不相遠况星野山川之所界風俗人情之所宜土田財賦禮樂質文之所損益發凡起例亦皆由史體相倣則志之近於史尤大彰



明較著者也顧星野山川錯於天地風俗人情成於教化士田財賦禮樂質文關乎一朝之政績皆有典籍可考掌胡可循惟人之功德材行節義日新月盛不按時而蒐羅之其不湮沒於人往風微者幾何矣且人之功德材行節義亦有不可概論者蓋善之在人有大有小有顯有晦有闊闊有單寒有名浮於實有實浮於名使非秉至公之心殫至明之識參互考核具良史才者恐未能辨之而不惑議之而不徇也則信今垂後欲以激勸乎人也豈易易哉今州侯前公以宏通博雅之才稽文詢獻徵集諸儒口示手裁成此鉅帙而攝州侯邢公踵其事遵其畫一之規刊而布之謝情面絕託慎重之心與彼邵公若合符

禹州志

卷之二十六

十一

十

節其足以信今垂後無疑也夫世之學者循覽古史至於所可感猶往往流連愾慕動頑廉懦立之心况生於斯長於斯以禹人習禹事觀功德材行節義之美而有不動於中者豈情也哉吾知是志之成孝子忠臣以有所取則而益衆貞婦烈女以有所觀法而益多善誰不爲而惡不懼閱數十年有嗣是而修厥志者嘉言懿行書不勝書又平僅侈天文地理之盛教化政績之施而已乎余家世與禹接豈嵩嶺之秀吾邑與禹共分之願禹之子弟最且挾一冊與吾一人共勗也

戴廷梅序第八

乾隆十三年

序云余

戊辰春孟奉命承乏茲土視

事甫旬日有司鐸李君杰司訓君絜矩偕李尉成蛟紳士孫



子廣生張子宿源來謁云州志初成請爲校正裝潢以垂永久  
余敬受其帙退而披圖按籍知東西湖南幅圖若此其廣大也  
山峙川流形勝若此其扼要也帝室王封自古近明若此其緯  
麗也名儒碩彥搗藻揚芬孝子貞婦耿光亮節若此其後先接  
踵指不勝屈也下至草木禽魚果蔬畦種若此其產無弗備品  
無弗珍也猗歟盛哉此邦誠一大都會而是志之成尤不愧爲  
洋洋大觀也哉故予受篆方新舉口帝王墟址憑吊未周襟帶  
山河巡歷未遍他如遺文逸典芳器流徽雖已留心採訪亦畧  
得其梗概而已矧是志中事無巨細細人無顯晦世無遠近俱經  
前任邵張邢諸公延集名宿援據確鑿考核精詳歷數年而告  
竣其間正訛更謬削濫補遺斷無魚目魚亥豕梧名而棘實者尙  
有待乎增刪而改易余愧不文亦安敢漫爲贅一詞哉惟是志  
之取義揚清端爲激濁彰善卽以瘴惡甚期乎此邦人士相與  
披圖而知觀感覽籍而識勸懲勉勉於乎摩義漸仁循循乎敦倫  
飭紀家修名節戶整廉隅庶幾俗返醇良風臻熙皞上不負

聖天子百年教育淪肌浹髓之殊恩下不失爲鄉黨好修留名竹帛

之髦俊俾司牧者優游而登上理朝錄一善焉以續前賢暮表  
一善焉以踵往哲藉是風移俗易奏效來茲得列名於修志諸  
賢公之後以永光不朽非卽余今日之厚幸也夫因不揣謏陋  
而爲之序



舊志目錄首圖考卷一輿地志曰沿革沿革表附疆域山川井渠

附風俗土產卷二建置志曰城池公署學校書院附鄉飲酒禮附祀典坊

表街巷附里郭元十三都附附橋梁軍政郵政廟宇寺觀卷三財

賦志曰戶口賦役漕規郵政鹽政卷四藩封志歷代封爵參差

官名宦傳附卷五秩官志曰知州同知州判吏目學正訓導駐防名

宦傳卷六選舉志曰進士舉人歲貢例貢例監薦舉武科武弁

封贈恩廕卷七人物志上曰宦蹟下曰儒行義烈義行孝子文

苑隱逸飲賓養老附游寓方伎仙釋卷八人物志曰后妃公主列

女卷九藝文志上曰著作詔頌詩話附贊論記中日記序碑銘傳

下曰告文書表奏疏誌銘行狀墓表跋考卷十曰賦詩卷十一

禹州志

卷之二十六 志原

三

曰古蹟志八景附卷十二曰陵墓志卷十三曰災祥志卷十四曰

備遺志終焉